

Kayëta isasën ir Şaŋ in Lilaya in

Kayëta ijo, ar bano rend «Axarëk an» yëgwën baŋo këreceŋ ir këno wacënd Gayos. Er kë sëyalind mëne aŋap yäpëk ekaca ed aye okëreceŋ odiyer el ex canayaxën ebalër ed aminëmëra and gër Yesu Kërisët aŋ. Bandixa band Gayos baŋ bax wäsinënd mëne afëb fëb baxo osëyali olo. Barikan Jotëref ababi wëlaya na okëreceŋ odiyer ok. Mëŋ gër kayëta ijo ro ašëkw šëkw këno Gayos do nëp këno Jotëref. Er ex gër akayëta in:

Ecëmar el: 1-4.

End apela and Gayos eŋ: 5-8.

End Jotëref eŋ: 9-10.

Ang yäpëk etëfëteli ed Demetëros el: 11-12.

Bepelatar beŋ: 13-15.

Ecëmar el

¹ Wëno Axarëk an ki yëgwënëlinde wëj Gayos, wëj ar ex imaŋe ind ñan këmo gë dal in.

² Wëj imaŋe ind ñan këmi mbaŋ iŋo, ašalen këmi šalenënd ey beta, exi yera mbaŋ do ey bëngw gër eman endey ang bëngwëk enjëw endey ak.

End bër olawënel eŋ

³ Wëno mbaŋ nëngandëra ke ga sëkati këne bëmaŋe do reyati këni mëne šenene fëb këy dal in do gër dal ijo këy liyand.

4 Wëno mbaŋ ke nënganënd angëmëne me wëlënd mëne obaș oram ol gër däl këni liyand.

5 Wëj imaÿe ind ñan këmi mbaŋ iŋo, ang ÿap këŋo ar xwëta këŋo Kaxanu ak këy rind gë dek benjekax bend këyëbi rinënd bëmaÿe bëŋ ado eni gi bëniyer.

6 Areyati reyati këni gër amara andebi ro end ang ki balënd bela ak. Axara këmi xarand eyëbi yëlëra şêlafana ir damana irebën ang këŋo ÿapan Kaxanu ak.

7 Eni deyaraxënënd end oŵac or Axwën eŋ sebëragu këni oxun orebën oŋ, xarak ax gi ex na eni cotëraxën gër bër benëng becëxe.

8 Awa aÿap ÿapëk enëbe mëlayande aye bela bërako bën ene kelaxëne gë bën andiyen and däl aŋ.

End Jotëref do gë Demetëros eŋ

9 Ata kayëta iromax ÿëgwënëli këmun Amara andewën aŋ. Barikan Jotëref, mëŋ ar këŋo nënganënd olëngw an, aŋo balënd na end këme rend eŋ.

10 Mëŋ ex, and këme yeli aŋ, afut këme fut beñëŋënax bend ko rind beŋ ga këbo rexërand ako. Ado ax gi ex na eŋo fo ko rind: abi mëlayand na bëmaÿe bëniyer bëŋ; bër këbi ÿandind enëbi mëlaya bën, ebi besara xali do ebi ŋŵaÿ dëŋ gër Amara.

11 Wëj imaÿe ind ñan këmi mbaŋ iŋo, tēfētēlindēbi bër kë rind benjekax bën, bari ax gi ex na bër kë rind beñëŋënax bën. Ar kë rind benjekax an, ar Kaxanu hi ko. Barikan ar kë rind beñëŋënax an, aŋo nang ex na Kaxanu.

¹² Ata bela bën d'ek areya këni reyand enjekax end ko rind Demetëros eŋ, në end d'al ir ex gër emëkw endexëm eŋ. Biyi bête enjekax fo këmi reyand do aye nang këy mëne osede orebi ol d'al ex.

Bepelatar beŋ

¹³ Bendanjëm yëgwënëli domi, bari axe ñandi ex na mi pelëra gë iñëgwaya.

¹⁴ Ayar këme yarënd mi nëngali bakey baŋo dëŋ do axanar ke xanarëxëye mopaër.

¹⁵ Kaxanu yëlëlexi obetak ol! Odawo oday ok ašëma këni šëmand. Wëj bête cëmalëbi odawo odebi ok, ala kala gë oŵac orexëm ol.

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: Oniyan

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 29 Apr 2025 from source
files dated 29 Apr 2025
8b7902f3-5e35-5b89-86b2-c6da1be458b9